

光緒重修安徽通志

重修安徽通志卷四十七

輿地志

古蹟四

池州府

石城故城在府西漢置縣於此三國志後漢建安四年孫策西擊黃祖行及石城尋以程普爲丹陽都尉屯石城黃武三年孫權封韓當爲石城侯隋書地理志開皇九年廢石城縣入南陵縣十九年於廢石城置秋浦縣貴池縣志故城在縣西七十里地名鐵店亦曰倉埠潭以東西兩山夾河如城故名

武林城在府西六十五里輿地志吳大帝所築三國志吳孫權太和二年封子休爲琅琊王居武林其後陸允何遜並爲武林

都督竇宇記武林城在貴池縣東北二十五里

本武林唐諱虎遂改爲武

劉胡城一名胡城在銅陵縣東四十里宋泰始中晉安王子勛舉兵江州其將劉胡引兵東下築此屯軍

石埭故城在石埭縣西北五十里寰宇記本吳石城縣地吳志韓當爲石城侯置石埭場晉太康三年廢入宣城縣梁又置輿地志梁大同二年置石埭縣因貴池有兩小石埭堰西水遂以爲名隋平陳併入南陵縣縣志石埭故址在縣西北木棉山黃土墩下今名七里街宋桂大受水晶宮記理宗寶慶初始作新邑於此以四門皆山不立城郭因掘珠嶺爲東門南山爲南門處嶺爲西門礮礮路爲北門後六年遷他所蓋遺舊治也

堯城在建德縣南元和郡縣志至德縣堯城在縣南四里舜城在縣北二十里舊傳兩帝南巡至此寰宇記舜井城在建德縣南四里舊傳帝舜南巡至此城梁於此立太原府隋廢府今城

中有舜井按元和志竟城在縣南舜城在縣北冀宇記厥堯城而以縣南者爲舜城併以梁置之太原郡爲府恐誤  
定陵廢縣在青陽縣東北一統志晉南渡後僑置於蕪湖縣界  
屬淮南郡宋齊以後因之隋平陳廢入南陵寰宇記晉帝南渡  
之初於古丹陽城置定陵縣卽青陽縣地縣志今縣東北有定  
陵鄉蓋以故縣爲名

臨城廢縣在青陽縣南寰宇記青陽縣本吳臨城縣地三國吳  
赤烏中析陵陽石城二縣地置縣隋平陳縣廢唐書地理志天  
寶元年割秋浦南陵涇三縣置青陽縣元和郡縣志青陽縣本  
涇涇縣地天寶元年都督徐輝奏於吳所立臨城縣南置以在  
青山之陽故名縣志今爲臨城鎮在縣南五里

義安廢縣在銅陵縣東唐書地理志唐高帝析南陵置義安縣  
尋廢爲銅官治寰宇記梅根治元管法門石埭二場隋升法門

爲義安縣廢入鉅官於故附在縣東順安鎮

陵陽故縣在石埭縣東北二里漢置後漢書注陵陽子明得仙於此故名晉咸康二年避杜皇后諱更名廣陽隋書地理志宣城郡涇縣平陳省南陽入蓋卽廣陽避煬帝諱故也唐書地理志武德三年置猷州復領南陽縣八年廢

治二十里古猷州城在石埭  
治東北二里非陵陽鎮也

按陵陽鎮在今青陽縣南六十里距石埭

至德故縣卽今建德縣治元和郡縣志至德縣本漢石城至德二年刺史宋若思奏置因年號爲名竇宇記本郡陽秋浦二縣地楊吳順義初改爲建德

晉陽廢縣和城廢縣在東流縣治隋書地理志梁置太原郡領晉陽和城等縣平陳廢入彭澤竇宇記晉陽廢縣在彭澤縣東北百九十四里和城廢縣在彭澤縣東北二百一十二里東流

縣志晉陽廢縣卽今晉陽鄉和城廢縣卽今縣治

梅根監在府東五十里亦曰梅根治六朝皆鼓鑄於此吳錄地理志晉立梅塘冶元和郡縣志梅根監在南陵縣西一百三十五里併宛陵監每歲鑄錢五萬貫寰宇記銅陵縣本漢南陵縣自齊梁之代爲梅根治以烹銅鐵灰子山枯樹賦東南以梅根作冶卽此

永豐監在建德縣南宋置元豐九域志建德縣永豐監至道二年置鑄錢去縣東北二百里江南通志宋至道三年以池州錢監爲永豐監或曰卽故梅根監

利國場卽廢南陵縣之利國也元和郡縣志利國山在南陵縣西一百一十里出銅供梅根監縣志銅官山昔取銅賦南唐置利國場後改爲銅官場歲久銅乏場廢

鵲岸在銅陵縣北左傳昭公五年楚以諸侯伐吳吳人敗諸鵲岸劉宋元嘉末武陵王駿自尋陽東討元凶劬軍於鵲頭梁承聖初王僧辯討侯景遣侯瑱襲南陵鵲頭成尅之唐武德七年李孝恭討輔公祏拔其鵲頭鎮元和郡縣志鵲頭鎮在南陵縣西百十里卽春秋時鵲岸沿流八十里爲鵲尾洲吳時屯兵處通鑑注鵲頭在銅陵鵲尾在舒城鵲洲者江中之洲也續文獻通考唐懿宗咸通五年置鵲頭鎮尋圯於江

東流場在東流縣東北寰宇記在池州南百里本彭澤之黃菊鄉唐會昌初建東流場在古廢和城縣側大中四年移於今理南唐保大十一年升爲縣縣志東流場卽今縣治

雁翅夾稅場在東流雁汊鎮宋陸游入蜀記過雁汊夾有稅場居民二百餘家泊船甚眾縣志雁翅夾卽今雁汊鎮宋時嘗設

稅場於此

秋浦樓在府城東城上宋紹定戊子郡守趙葵因舊址增築有石刻蘇軾詞黃魯直字於壁南畿志明正德戊寅知府何紹正重建

九華樓有二一在貴池縣九華門上明統志以爲卽九峯樓唐刺史李方元建一在青陽縣東南二里唐杜牧有九華樓寄張祐詩

拱翠樓在貴池縣東南門上九華山錄上南城樓正對齊山循城而東有拱翠樓亭隸邑廳又稍前卽九華樓三者相望皆下臨青溪見九華

蕭相樓在貴池縣東南門上大厯中刺史蕭復建後杜牧重建名曰蕭相樓並有記宋蘇轍有詩



景蕭樓在府城內萬曆中柳林巷居人李春達掘得斷碑有景蕭樓上梁文宋狀元陳舜俞撰

順安樓在銅陵縣東三十里卽古義安縣也舊置臨津驛今裁賣花樓在建德縣南里許相傳唐及五代時有花樓二十四間土人善翦繡作花四方多至此市花近樓名胭脂港亦舊管絃地今悉荒廢

文選閣在貴池縣西五里舊有梁昭明太子祠後人因建此閣以貯文選

芙蓉閣在九華山李白書堂前

翠微亭在貴池縣南齊山之巔唐時建九華清溪秋浦皆隱隱在望宋岳飛詩經年塵土滿征衣得尋芳上翠微好水好山觀未足馬蹏催送月明歸明桂鑿遊齊山記翠微亭唐杜牧刺

池年構此亭於山巒爲臨眺之所又有三奇亭亭以石鼓洞仙人橋妙空巖爲三奇故名又有青霄亭舊爲觀郡樓宋王哲易

今名

神交亭在貴池小邱山明李呈祥講學地以遇湛若水構亭曰

神交附湛若水神交亭記池陽有高士古源李子者謝太學隱居小邱山十餘年不出志聖賢之道

聞甘泉子而慕焉然而未嘗識面甘泉亦未嘗識其面而知之賢而敬之曰神交矣或曰面不相識何謂神交甘泉子曰夫人

皆識面淺者也而謂上下萬年識堯舜禹湯文武周公是面

目而若相知之深焉神交也故孔子見堯舜慕焉周公高宗

夢傅說舜夢拜平丞黃帝夢遊華胥皆心也神也神也者心之

所爲也故心之神也交通也通天而地通地而地通萬物而萬

物通堯舜禹湯文武周公而堯舜禹湯文武周公一體故氣相通

氣也氣也者通宇宙而一者也是故一體也一體故氣相通

痛癢相關不交而交矣嘉靖丙子八月甘泉子過池陽登九華

之山古源子出逐焉或謂子十年不爲彼鄉士夫出矣不爲郡

大夫出矣而爲甘泉子出何耶曰吾爲道出矣非爲甘泉公也

相見而懽若平生交焉若魚水不足也執弟子禮而學焉心以

爲故知神之所爲者可以盡心矣知心之所爲者可以知性矣

知心神之所爲者可以語道矣蓋心知性而存養之可與語學矣盡之矣古源子退而作神交亭甘泉子爲次第其語作亭記甘泉子喟然歎曰於平時知字而知神交之道則斯亭斯記可兩忘矣

弄水亭在府治南通遠門外唐杜牧建取李白詩欲弄水中月句爲名

貴池亭在貴池縣南齊山江南通志謂在縣北五里磯上一名望江亭九華山錄貴池亭以其見大江可望淮南也亦見九華諸峯唐杜牧詩勢比凌歊宋武臺指此

翠光亭在貴池縣池口宋岳飛詩愛此倚闌干誰同寓目閒輕陰弄晴日秀色隱空山島嶼蕭騷外征帆杳靄間子雖江上老心羨白雲關

清溪亭在貴池縣南清溪宋王安國有清溪亭詩又有清溪館望華亭在青陽縣九華山西圮橋之右舊名玩華亭邑令蘇萬

民建副使馮叔吉易今名

雙練亭在青陽縣西九華山又有半山亭仰止亭皆在九華山麓

富覽亭在銅陵縣西北天王山宋縣令張孝章建

望仙亭在石埭縣北陵陽山祀前漢竇子明

梅山四亭在建德縣西南梅山曰期雲曰漱碧曰空翠曰熟梅皆宋時建

胡峯亭在建德縣治後三山之頂與玉峯相對宋縣令梅堯臣

建

梅公亭在建德縣治後宋梅堯臣爲令有惠政民思之作此亭

附元吳師道記士君子宦遊之方去之數百年人猶想其風烈而不忘至於崇表而章顯之是雖好德之心然

其所以使人至此而爲末俗之勸者豈小哉池之建德故宋尚書都官員外郎國子監直講梅公聖俞景祐間爲知縣事集中

詩幾百篇皆在是邑作而當時風物官況之大略可考見也後  
 人嘗於郡官舍西偏為梅公堂以祀之既廢而令柴夢規重建  
 於縣圃之北世易事更復改縣後之半山亭為梅公亭以識其  
 舊未幾亦化為荒墟師道之來也按行遺址見大礎在茅草中  
 蕘兒牧豎躑躅其上老木三數株錯立蒼然為之躊躇太息自  
 是營構之念往來於懷越明年始克就緒為屋三間限以周垣  
 錠以外肩飛檐虛檻高亢疏明既與邑人慰其景仰之思而溪  
 山屋室翠繞映帶又得登臨之美以相樂也當宋之初文體卑  
 陋公倡古淡之作一變其習歐陽子以一世巨人而或推尊之  
 若己弗及又以仁厚樂易溫恭謹質稱其人一時諸公交口論  
 薦雖仕不大顯而文學行義足以儀當時而表後世矧建德肇  
 邑自唐令長凡幾何人而公之名獨稱之至今是豈可以勢力  
 致哉使凡吏於此者登公之亭誦公之詩思公之所樹立以自  
 勵則斯邑之民將被其明於無窮也師道於公無能為役然不  
 可謂無志於自勵者斯亭之作既自為之經營而眾來致助乃  
 命邑人陶起東董其事不以頌民庶幾可及尚告來者嗣有葺  
 焉其或迂吾之為漫不顧省任其圯壞泯滅亦獨何心哉  
 亭成當至元三年丁丑之歲十二月乙亥明年某月日記

菊江亭在東流縣西菊江門外舊有菊臺後建樓其上名望江  
 樓再易今名向於此祀陶潛故江曰菊江亭之名亦因此

昭明釣臺有二一在貴池縣西六十里和龍山下有玉龍潭一

在縣北鎮山下

繡春臺在貴池縣南齊山東巖之巔危檐傑棟巋然屹立宋魏了翁書繡春臺三字又有紫薇臺在寶雲巖後因杜牧得名今存石刻數字

白鶴臺在青陽縣東南保甯觀相傳白鶴真人煉丹處

釣魚臺在青陽縣九華山嘉魚池上相傳漢賈子明唐李昭象垂釣處

潔己臺在石埭縣南門舊學西南隅元大德辛丑監邑忻都築香木潭釣臺在東流縣東四十里縣志相傳爲昭明太子釣臺馮宣有香木潭釣臺記

中和堂在府治內宋建威約有記

思政堂在中和堂後宋建曾鞏有記

從容堂在府治內宋史趙鼎發傳元兵薄池鼎發縊從容堂死  
鼎發始爲此堂名曰從容及兵遽領客至堂中指所題扁曰古  
人謂從容就義難此殆其兆也

李白書堂有五一在府南四十里桃陂一在府南苦竹嶺一在  
銅陵縣五松山一在石埭縣杉山一在青陽縣九華山

李昭象書堂在青陽縣九華山翠羽池一統志昭象唐池州刺史  
李方元子方元罷池州畱家秋浦筑巢兵起昭象入九華結  
屋碧雲峯下

杜荀鶴書堂在青陽縣九華山南香林峯

范仲淹書堂在青陽縣東二十里讀山之陽

王安石書堂在銅陵縣東靈寶泉側安石與旌德汪澥邑人胡  
舜元講學於此

羅京書堂在銅陵縣南縣志在獅子峯下宋羅京讀書處書月宮二字刻於石山下有泉引爲九曲因號泉山先生

華岳宅在府南山川壇後岳爲殿前司官屬謀誅史弼遼杖死東市宅前有手植松十餘株石狻猊尙存

費冠卿宅在青陽縣九華山少微峯爲唐進士費冠卿隱居處吳用之宅在青陽縣九華山西阪吳氏自唐以前居之號松陽宅

新城宅在青陽縣蓮花峯西亦吳氏宅也唐刺史吳器高築新城精舍

九華精舍在府學內宋端平中建又九華書舍在青陽縣南十里九華山房在青陽縣西九華山明錢公清卽所居之地別築館舍爲遊息之所



龍堂精舍在銅陵縣五松山唐李白與南陵常贊府遊五松山詩有龍堂若可憇吾欲歸精修之句注云銅井西五里有古精舍

楊梅館在府西九十里石嶺多楊梅唐白居易有楊梅館詩宋改爲驛今呼爲楊梅坦

堯封書屋在建德縣東宋時建後廢明柯暹重建又狄梁公行館在建德縣東

葉公園在銅陵縣東五十里葉山下宋王安石遊其園戲葉云周迴莫有千秋葉葉隨答云神補能堪百箇蠶

陳公園在銅陵縣東鼇首山園內有二池宋蘇軾黃庭堅曾遊此蘇軾有陳公園二池詩

菊所在東流縣治後相傳陶潛爲彭澤令種菊於此亦名菊臺

亦名菊圃明知縣陳春建四望亭嘗藝松其上宋朱子有舟泊東流題菊所詩王十朋有菊圃詩明廖暉有菊臺詩

黃花驛在東流縣治北本名黃花館後置驛今裁縣志在縣署後宋楊發有宿黃花館詩

桑柘門在府城秀山門外虎山之東北通饋口唐時城門名也又有雙江門未詳何所

醮壇在青陽縣九華少微峯碧玉泉上其石方平陸級如壇漢賢子明嘗醮其上俗呼爲仙人石

仙壇在石埭縣陵陽山中峯之半漢竇子明仙所唐天寶未建仙壇宮至今祀之

杜鵑在府城西四里因杜牧得名其下有杜湖

黃屯在府東南五十里唐乾符中黃巢常屯此因以名阪又有

黃屯堰南畿志云東二百里有石岡名鐵券相傳唐賜巢鐵券

處按鐵券山在阪東二里南畿志作二百里  
誤一說元文宗嘗駐蹕於此故謂之皇屯

峽山寨在府西宋開寶七年曹彬伐江南拔峽山寨進克池州  
卽其地

劉公寨在青陽縣南宋建炎初劉光世因險立寨禦張遇於此  
流觴瀨在青陽縣九華山百丈潭上有石渠天井之勝唐李昭  
象與客泛觴於此

舒姑泉在石埭縣南三十里蓋山一名舒溪一名舒姑溪一名  
涎溪元和郡縣志舒姑泉源出蓋山下昔舒氏女化爲魚於此  
泉聞絃歌聲則有雙鯉湧出文選注舒姑泉卽今舒溪劉孝標  
所謂蓋山之泉聞絃歌而赴節也顧野王詩甯知蓋山水逐節  
赴危絃

白龜泉在青陽縣化城寺西龜山下蔣之奇題名石上

龍女泉在青陽縣東巖相傳金地藏卜居方苦遠汲俄有少女云石下有泉因以手撥石泉果湧出又有甘泉在東巖中峯下明嘉靖初湛若水講學於此後建書院旁有一泉若水自署曰甘泉

杏花村在府秀山門外里許因唐杜牧詩有牧童遙指杏花村句得名南畿志云有古石井圍刻黃公廣潤玉泉六字卽遂有杏花村志又一統志杏花村在石埭縣南

閔源在九華山東巖由神光嶺南繞東巖外上中下凡三處皆產茗此閔茶所由名

桃源在建德縣南四十里步頭村水源深邃人跡罕至唐乾符中黃巢之亂邑人多避於此

鐵船在銅陵縣五松山前湖田之下首尾船形如積鐵舊傳晉  
溥陽太守張寬歿爲神於此一夕乘鐵船至爲人所見其船遂  
溺而露首尾焉明王守仁有詩

包公井在府城內相傳宋太守包拯所浚

丹井在青陽縣九華山北葛洪煉丹井也

金釵井在石埭縣西峨山之麓唐桂盛女盡節處

五松在銅陵縣南四里輿地紀勝五松山在銅官西南有松一  
本五枝黛色參天唐李白詩我來五松下置酒窮躋攀徵名紀  
遺老因名五松山今銅陵號曰五松本此山也

印石在建德縣西北八里石印嶺壁有印文寰宇記印石在建  
德縣西北五里歷水岸石壁峭拔舊傳許旌陽逐蛟至此岸塌  
其塌處屹然成壁印石而去其石印篆文圓如馬蹠跡宋周必

大錄說同

金雞石在府城西五十里埤雅云江南富姓者莊前一石月下忽作雞聲遂名金雞石

石鏡在石埭縣櫟山其石縱橫二丈光明可鑑人物

鹿跡石在東流縣東六十里相傳葛洪跨白鹿仙去處

三墩九曲在石埭縣後南畿志墩有三以應三台水有九以應九曜郭璞以厭火災

重修安徽通志卷四十八

輿地志

古蹟五

太平府

丹陽故城在府城東五十里接江甯縣界漢置丹陽郡於宛陵此爲丹陽縣因有小丹陽之名後漢建安初呂範從孫策下小丹陽晉蘇峻自小丹陽至蔣陵覆舟山是也宋昇明二年齊受宋禪高祖封宋主爲汝陰王築宮於丹陽故縣隋開皇九年廢入溧水縣唐武德三年復置屬揚州州廢屬宣州貞觀元年省入當塗括地志丹陽故城在江甯縣東南五十里元豐九域志當塗縣有丹陽鎮卽故縣也陽亦作楊晉志丹楊以山多赤柳故名建康志小丹陽在江甯縣橫山鄉陶吳鎮西南二十里與

重修安徽通志

卷四十八

輿地志

古蹟

一

太平府

當塗縣接界

姑孰故城卽今當塗縣治城南臨姑孰溪因名本漢丹陽縣地東晉時置城戍守并積鹽米於此太甯元年王敦移鎮姑孰興甯二年桓溫自赭圻移鎮姑孰咸安初桓沖城姑孰元興二年桓元出鎮姑孰大築城府梁太清二年侯景自采石濟襲陷姑孰隋開皇九年詔伐陳韓擒虎自橫江濟采石攻姑孰尋自今南陵縣界移當塗縣治此

于湖故城在當塗縣南三十八里漢丹陽地三國吳爲督農校尉治晉太康二年始立于湖縣屬丹陽郡太甯初王敦鎮姑孰屯于湖二年帝微行至于湖察敦營壘成帝時僞置淮南郡於此隋平陳廢郡併縣入當塗通典當塗有于湖故城在縣南括地志縣東四十里有圩曰咸和古丹陽于湖縣廢址在焉



卻月城在當塗縣西南元和志天門山上有卻月城宋車騎將軍王元謨所築縣志在縣西南大信鎮唐武德初韓公祐築謝公城在當塗縣西北采石晉謝尚鎮牛渚時所築寰宇記晉鎮西將軍謝尚鎮此

蕪湖故城在蕪湖縣東三十里漢置縣屬丹陽郡後漢書章和元年貶晃爲蕪湖侯建安初孫策破劉繇太史慈遁蕪湖山中晉咸和二年蘇峻陷姑熟桓彝起兵進屯蕪湖章懷太子曰蕪湖縣故城在當塗縣東南元和郡縣志蕪湖水側漢末嘗置蕪湖縣寰宇記蕪湖縣東北至太平州六十五里晉爲重鎮自唐武德以來爲鎮隸姑孰南唐割宣城當塗二縣復置卽今縣也府志有故城在今縣東三十里或謂之于湖城周十九里遺址略存吳黃武初徙於今治

南豫州故城在蕪湖縣東北宋書州郡志晉咸和四年僞立豫州以庾亮爲刺史治蕪湖金陵志姑孰之南淮曲之陽晉成帝咸和四年僞立豫州於此縣志南豫州城在縣東北二里今之五面場是也宋建炎中水賊邵青盡壞之

宜春城輿地紀略在蕪湖今邑東門尙名宜春門殆晉時僞立

徙置當宣城春穀之間

按曼公類要于將之子埋其父於宜春城北是楚已有此城也

王敦城在蕪湖縣東北一里王敦鎮于湖時所築陸游入蜀記蕪湖卽于湖有王敦城氣象宏敞

繁昌故城在今繁昌縣西北漢之繁昌縣在今河南臨潁縣屬潁川郡曹魏分屬襄城郡東晉初僞置襄城郡割于湖縣爲境並置繁昌縣屬焉梁時廢入南陵縣南唐時復置實字記繁昌縣在南陵縣地西對廬州江口以地出石綠兼鐵由是置治南

唐因析南五鄉復置縣舊志宋慶歷間築城周六里八十步明天順初移今治舊城在今縣西北四十里今爲舊縣鎮又寢城郡阯在今縣東北延載鄉

赭圻城在繁昌縣西南三十里晉書桓溫傳隆和初詔徵溫入參朝政自荊州還至赭圻又使尚書車灌止之溫遂城赭圻表云春穀縣赭圻城在江東岸臨江西當濡須口二十里距建康宮三百里請城其地是也元和郡縣志南陵縣赭圻故城在縣西北一百三十里府志故城在今繁昌縣赭圻嶺下後城被火災乃移鎮姑孰

南丹陽廢郡在當塗縣北梁末置陳天嘉五年罷陳書周文育傳侯景平後以文育爲南丹陽太守又程靈洗除南丹陽太守鎮采石隋書地理志江甯梁置南丹陽郡陳省

上黨廢郡在蕪湖縣西南東晉甯康中以上黨流民僑置上黨郡及襄垣縣義熙中省上黨郡爲縣宋元嘉九年省上黨縣入襄垣縣屬淮南郡隋平陳又省襄垣縣入當塗縣志上黨故城在今縣西南五里

春穀廢縣在繁昌縣西北漢置元和郡縣志春穀故城在南陵縣西一百五十里府志今繁昌之移風鄉漢置春穀縣於此晉武帝改爲陽穀安帝併陽穀入蕪湖遂廢

南陵廢縣在繁昌縣西北晉時置南陵戍梁武帝置南陵縣屬南陵郡承聖初王僧辯討侯景遣前軍侯瑱襲南陵鵲頭二戍陳書戴僧朗除北江州刺史領南陵太守舊唐志南陵縣長安四年移理青陽城卽今甯國府所屬南陵縣故城遂廢寰宇記南陵縣本漢春穀縣唐武德以來置縣臨江有城基見存去今

縣一百三十里

古鳩茲邑在蕪湖縣東四十里左傳襄公三年楚子重伐吳克鳩茲杜預注鳩茲吳邑在丹陽蕪湖縣東今阜東也縣志今縣東四十里有句茲港卽鳩茲之訛

天門雙闕在府大信鎮宋大明七年帝西巡有雙爵盤旋下集織蓋羣臣呼萬歲詔建雙闕

望江樓在當塗縣慈姥磯相傳梁昭明太子讀書處又縣淨居院亦有昭明讀書臺

太白樓一名謫仙樓在采石磯卽太白祠唐元和中建陸龜蒙詩謝朓青山李白樓是也

清風樓在蕪湖縣治北驛山之陽因蘇軾清風閣舊額以命名  
明邱溶有記

御書閣在繁昌縣東南隱靜山普惠寺中宋嘉祐中建郭祥正有記

百花頭上亭在府城外尼山巔宋景定五年太守鄭羽建

似閒亭輿地紀勝在郡圃太守揚拔建取許渾詩草生官舍似閒居之句以名

然犀亭在當塗縣采石牛渚磯上晉溫嶠平蘇峻遷鎮至此聞其下多怪然犀燭之悉見水族奇異夜夢人謂曰與君幽明道

別何意相照後人因建亭於此

姑孰亭在當塗姑孰溪上附唐李白宴姑孰亭序通驛公館南有水亭焉四

費暉飛巘絕浦映蓋自前攝令河東薛公棟而宇之今宰隴西李公名明化開物成務又撰其梁而開之豈鳴琴夕玩清月蓋為接輪軒祖遠客之佳境也製園既久莫知何名司馬武公長材博古獨映方外因據胡牀岸曠嘯咏而謂前長史李公及諸公曰此亭跨姑孰之水可稱為姑孰亭焉嘉名勝繁自我作也且夫曹官絃冕者大賢處之若游青山臥白雲逍遙偃傲何

適不可小才居之窘而自拘情若桎梏則清風明月河英嶽秀皆為棄物安得稱焉所以司馬南鄰當文章之旗鼓翰林客卿揮辭鋒以戰勝名教樂地無非得後之場也千載一時言詩紀志

孟公亭在當塗縣官圩東岸宋咸淳八年大水知州孟知縉以身捍水水為之卻立亭表焉刻石尚存

蛾眉亭在當塗縣北二十里據牛渚絕壁前直二梁山夾江對峙如蛾眉然故名宋熙甯二年太守張瓌建

湖山煙雨亭在當塗縣東三里月盤山據郡城游觀之勝

江山好處亭在當塗縣北二十里蛾眉峯左亦名觀瀾亭附明

倪謙江山好處亭記太平為郡在南京之南百里而遠右枕江

來合沅湘漢沔之水直走磯下姑孰之溪則自東折西而橫入

於江鷺瀟駭浪晝夜衝齧有聲磯之南直走天門東西二梁中

束一水蒼翠修曲宛若蛾眉舊管為亭磯上以占其勝矣去蛾

眉之左下坡數級地勢頗卑而坦迤幽曠山益近而奇江益近

而駛其地尤勝有非蛾眉所得而擅者舊亦為亭於此名江山

好處元監府宏吉刺氏易名觀瀾歲久傾毀景泰三年豐城李

侯若虛來守是郡政平訟理民安物阜當考尋遺迹亦以爲是  
亭乃郡之絕景自昔騷人韻士若晉溫嶠袁宏謝尚唐李白崔  
宗之諸賢皆嘗於此登眺而吟嘯者也豈惟吾輩政餘可以藉  
是消煩而適意邦人歲時亦得以遂遊觀之樂也容可坐視其  
廢乎乃與同知任能讓通判陳清推官何袞捐俸贊爲侶命廣  
齊寺僧修惠募材重葺亭成諸公與客攜酒肴登而落之恐高  
望遠則煙嵐之杳靄雲濤之洶湧風帆沙鳥之往來長鯨巨壘  
之出沒仙梵之虛澹樵之居舉接於欄檻之外千態萬貌景象  
無窮有以使人心開目明而神爽飛越於是揚袂引鴈曰樂哉  
斯亭因復其名曰江山好處徵記於予予以花鳥本平時可娛  
之物也然感時悵別者見之適足以驚心而飛淚郡之江山信  
可樂矣使爲守者敢未能數於下爲民者敢未能安於上外有  
責於人內有愧於己則登亭也觸物興懷無非悲傷感愴之境  
孰見其爲可樂哉今諸公酒酌休養指斯民於衽席而民親愛  
之不翅父母上下之間心孚惠洽蓋無適而非可樂者况復當  
江山之好處哉是宜樂其樂而使民同其樂也亭之復古詎不  
乎宜

雄觀亭在蕪湖縣吉祥寺右山巔舊名觀瀾亭吳仁傑易今名  
十詠亭在當塗縣東唐李白有姑孰十詠後人因以名亭陸游  
入蜀記蘇軾過此讀之笑曰此贗物也廣輿記謂是李赤作



聽江亭在當塗縣南津門外宋州守洪遵建

賞詠亭在當塗縣西北卽晉袁宏誦詠史詩謝尙大相佳賞處也後人於此建亭

捉月亭在采石鎮神霄宮內李白泛舟狂醉欲從水中捉月故名亦名暮雲亭相傳藏李白宮錦袍處宋梅堯臣有詩

思瑾亭卽采石驛皇華亭以思周公瑾故名宋真德秀題額

夢日亭在蕪湖縣東一里故王敦城上晉太甯二年王敦將舉兵內向帝密知之微行至于湖察敦營壘而出敦正晝寢夢日環其城宋時於此建亭故名

玩鞭亭方輿勝覽在蕪湖縣北二十里晉明帝微行察王敦營壘敦驚覺使五騎追之帝馳去見逆旅賣食媪以七寶鞭與之曰後有騎來以此相示追者至問媪媪因以鞭示之五騎傳玩

夏久帝獲免泊宋僧蘊湘乃建此亭

志喜亭在蕪湖縣神山巔宋乾道七年秋薦雨於李衡公祠輒  
應因名

識舟亭在蕪湖縣鶴兒山俯瞰大江舊名八角亭王思任權闢  
時易今名

吳波亭在蕪湖縣西門外瀕大江宋乾興二年建張孝祥書額  
元歐陽元所謂幾回送客艤吳波是也

凌歊臺在當塗縣西北黃山宋孝武帝築以避暑卽宋行宮也  
面勢虛敞高出塵埃之表唐李白有詩

聯璧臺在采石山江干二石突兀中分一線石刻聯璧二大字  
縹緲臺在繁昌縣西北輿地紀勝縣治後山巔築屋曰縹緲下  
瞰大江對濡須塢茂林修竹相爲映發宋熙甯間改名表裏山

河臺

揮塵臺在府治臨大池舊名近民宋吳淵重建易名

臥治堂輿地紀勝在州治道院南道院舊名寔堂在設廳西北

太守吳芾所書也

按設廳未詳

白紵亭在當塗縣東七十里寔字記昔宋帝與羣臣會此唱白

紵歌因名

誓清堂在當塗縣黃山祖逖渡江誓師於此宋嘉熙中吳淵建

堂後陳壇以米芾所書極目亭三字易之

潘閻宅在府西卽今儒學基

郭祥正宅在府東街中有醉吟菴蘇軾過之題詩畫竹石於壁

陳規宅在府東街成賢坊

羅彥輔宅在府西街

張鑑宅在府城東南隅其居曰孝感坊

陶安宅在府城東街明太祖賜額及堂聯

謝朓宅在當塗縣東南寰宇記在縣東南青山一名青山館旁有謝公池宋陸游入蜀記青山南小市有謝元暉故宅基環宅皆青林文篠清泉奇石真佳處也今爲保和庵

陶宏景宅在當塗縣橫望山今爲澄心寺因話錄云盧巖說隋鄭常侍遊宣州當塗隱居山巖卽陶貞白煉丹處也爐跡猶存李白宅在當塗縣青山之麓白至姑孰依當塗令李陽冰愛謝家青山有終焉之志

周維長宅在當塗縣橫望山李白有贈橫山周處士詩

李陽冰宅在當塗縣青山陽冰解組後築室青山最深處重巒疊嶂佳趣萬種今名萬佳山

張孝祥宅在蕪湖縣西南昇仙橋有歸去來堂明正德間建于湖書院

張崇義居在繁昌縣崇義自祖父以來千口同居閨闈肅然嘉祐中楊傑過其門書義居二字遺之

滴翠軒在蕪湖縣赭山廣濟院舊名檜軒有宋黃庭堅自書山谷讀書處五字郭祥正有詩

盤龍齋在當塗縣南州津晉桓元建齋畫龍於上後劉毅鎮此居之毅小字盤龍遂爲符驗云

橫江館在采石對岸卽和州橫江李白所詠也

陵口戍在府北三十里或謂之東陵口晉咸和中蘇峻自歷陽濟橫江登牛渚軍於陵口胡氏曰在牛渚之東北亦江濱戍守處

南陵戍在繁昌縣西北下臨江渚六朝時江州東界盡於南陵蓋瀕江津要處也晉陶侃領荊州江州刺史自南陵迄於白帝數千里路不拾遺謂此梁置南陵縣治赭圻城時此地亦置戍承聖初王僧辯討侯景軍於大雷遣前軍侯瑱襲南陵鵲頭二戍克之是也

北園在繁昌縣寶山宋蔡確建

九龍池在橫山頂有石坎容水僅斗許能不竭內石龍子九枚長數寸黝形高足癡不畏弄昔傳人取其一坎中仍九盡取之坎中亦九也

禁蛙池在蕪湖縣昇仙橋西張孝祥築堂成鄰人以池內蛙鳴爲讓孝祥取硯投之隨手聲絕

洗硯池在繁昌縣馬仁山唐王冲霄洗硯於此至今池水猶黑

九井在府城南十里晉桓溫所鑿殷仲文九日從桓元遊九井賦詩卽此井通江已竭其五昔有墜鞭於井者從牛渚流出見伏滄北征記

龍泉寺井在府東龍泉山晉螺浮尊者卓錫開此以竹汲之則清冷可飲以繩汲之則泥滓渾濁

洞井宋孝武遊姑孰敕謝莊攜其子朏從乃使爲洞井贊朏卽於坐奏之帝曰奇童也

謝公井在青山路南有甌登謝朓鑿

唐井在府城東十五里禪岳寺山下闌石鐫元和十二年字

陶宏景丹井在橫望山

挂袍石在當塗縣白紵山西晉桓溫率賓僚燕飲醉時挂袍於此

丹竈在橫山陶宏景煉丹設也此地環天碧嶂景物奇特所謂丹竈寒煙及五井指此

石鼓在蕪湖縣石臼湖側唐貞觀二年尉遲敬德來治郡昇二石鼓以壯其門相傳是石季倫家物

按唐書尉遲敬德傳無知宣州文甯國府志職官亦

不載



重修安徽通志卷四十九

輿地志

古蹟六

廬州府

合肥故城在今縣北漢置漢書地理志九江郡合肥注應劭曰  
夏水出父城東南北至此與淮合故曰合肥通鑑地理通釋淮  
水與肥水合故曰合肥輿地紀勝漢獻帝時曹操表劉馥爲揚  
州刺史單馬造合肥空城梁書武帝紀天監五年豫州刺史章  
叡克合肥城普通七年合肥改爲南豫州太清元年詔改合肥  
爲合州又韋叡傳天監四年遷豫州於合肥隋書地理志合肥  
後齊分置北陳郡開皇初郡廢寔宇記合肥故城在今縣北宋  
曹明之記曰合肥入斗度獨多故號金斗城亦曰金斗門元至

正二十四年明師克廬州立江淮行省於此府志今雞鳴山下  
有新城故址

遂道故城在合肥東北漢縣也屬九江郡後漢因之晉屬淮南  
郡宋省宋書州郡志遂道後分蕪湖爲境舊唐書地理志慎漢  
遂道縣屬九江郡古城在今縣南水經注洛水上承施水於合  
肥縣北流逕遂道縣西寰宇記遂道故城在慎縣南二十五里  
魏武伐吳嘗修此城以屯守呼曰曹城府志今其地名清水橋  
慎縣故城在合肥縣東北劉宋時僞置宋書州郡志南汝陰郡  
領縣慎魏書地形志南梁郡領縣二慎南高隋書地理志廬江  
郡慎東魏置平梁郡陳曰梁郡開皇初郡廢屬九江郡路史國  
名紀吳伐慎白公敗之今廬之屬縣西北四十一里有故慎城  
慎水寰宇記慎縣在州東北七十里本漢遂道縣地紹興三十

二年避諱改曰梁縣從舊郡名也元因之明初省入合肥今爲

梁縣鎮名勝志宏治初店埠民修橋掘得小石碣上鐫慎縣界

三字背刻少避長賤避貴六字

舊按古慎城在縣北路史以爲春秋哀二十六年吳人伐慎白

公敗之卽此攷左傳杜注慎在汝陰今爲潁上縣此當別是一城非春秋之慎也今按寰宇記晉改汝陰縣置

新城在合肥縣西北三國魏志青龍元年揚州都督滿寵以城

臨江湖賊得據水爲勢請立城西北三十里依險可固守謂之

新城故吳志云大帝頻征合肥新城是也晉爲淮南廬江二郡

地東晉亦爲重鎮又寰宇記有界樓故城一名金斗城在合肥

縣西北五十里隋開皇五年立鎮置倉在廬壽二州界蓋卽新

城也宋乾道新城記今城西北有白渡港魏築二壘於此號曰

合肥城

赭縣在合肥縣西北唐光啟二年壽州刺史張勳遣兵寇廬州

楊行密將田頴等敗之於赭城是也

滁陽城在合肥縣東北寰宇記慎縣古滁陽城在縣東北六十四里吳赤烏十三年孫權遣兵斷滁作堰以淹北道遂築此城爲守禦東晉置南梁郡隋開皇三年廢

小峴城在合肥縣東七十里梁書韋叡傳遣梁郡太守馮道根攻魏小峴城中宿而城拔遂進討合肥陳書黃法氈傳齊遣歷陽王步騎五萬來援於小峴築城

斗梁城在合肥縣輿地紀勝宋乾道五年郭振築新城號斗梁橫舊城之半而阻絕舊城於斗梁之外

烏珠上城在合肥縣北五里府志宋紹興辛巳金人南侵陷廬時築

桃花城在合肥縣南二十五里輿地紀勝在城南四十里命名

建置皆無考

舒縣故城在廬江縣西春秋時舒國僖公三年徐人取舒杜注舒國今廬江舒縣秦爲舒邑漢文帝十六年封淮南厲王子賜爲廬江王都舒後漢建武四年馬成圍李憲於舒三國時吳廬江治皖魏廬江治六安而舒縣廢晉仍置舒縣齊仍爲廬江郡治永明四年冠軍長史沈憲請以廬江屬西豫州七年豫州別駕殷彌仍請還屬南豫州章懷太子曰舒縣故城在今廬江縣西寰宇記廬江縣本漢龍舒縣故城在今縣西一百二十里梁武帝置廬江縣義甯元年移於石梁東南景龍二年移於今所縣志今縣西南三十里有大城縣西北金牛山下有金牛城蓋古舒縣遺跡也

梁王城魯王城輿地紀勝梁王城在梁縣東六十里魯王城在

梁縣東七十里

按寰宇記東晉於懷縣置南梁宋紹興開改懷縣曰梁縣

古梁縣城輿地紀勝古梁縣城在梁縣治東八里卽古平梁郡慕容城在廬江縣東二十里相傳慕容垂屯兵所築

龍舒城卽舒城縣治左傳文公十二年羣舒叛楚成公十七年楚滅舒庸襄公二十五年楚屈建帥師滅舒鳩漢置龍舒縣應劭曰龍舒卽羣舒之邑杜預曰羣舒偃姓舒庸舒鳩之屬今廬江南有舒城舒城西南有龍舒城是也又云平舒君名宗集二國羣舒之屬正義曰世本舒姓舒庸舒廖舒鳩舒龍舒鮑舒龔以其非一故言屬以包之後漢永平元年封楚王英舅子許昌爲龍舒侯東晉末縣廢唐開元中復於此置舒城縣路史國名紀今廬之舒城也一作羣舒寔字記古舒鳩城在舒城縣內舒鮑城在縣西一百里龍舒水南龍舒城在縣西一百里龍舒水

西又有舒庸城與舒鳩城俱在縣治內

夔頡城在舒城縣西北三十里史記漢高帝封兄子信爲夔頡侯食邑於此輿地紀勝舒城縣漕賸堰卽漢夔頡侯所築有夔頡廟劉邠爲之記名勝志夔頡侯城在縣西北三十里有墓在焉

荒浦離城今舒城縣境左傳襄公二十四年舒鳩人叛楚楚子師於荒浦杜注荒浦舒鳩地又襄公二十五年舒鳩人卒叛楚令尹于木伐之及離城杜注離城舒鳩城路史國名紀今廬州舒城也離城荒浦鳩茲皆其地鳩茲今爲蕪湖縣

高陽城在舒城縣西南二十里名勝志相傳高陽氏封其子庭堅於舒蓼之間故名

亞夫城在舒城縣東南十五里相傳周亞夫嘗領兵至此築東

西二城其址尚存或又謂亞父范增築

黥布城在舒城縣東晉孝武帝時於黥布城置南新蔡郡屬南豫州尋廢

周瑜城在舒城縣西十八里相傳瑜從孫策舉義徙家於舒因築今爲牧馬市鎮或云卽淨梵寺

霍湖城在舒城縣南五里土人築以避兵又花家城圍基城俱在縣西十里又羊家城繆家城俱在縣西十五里陽石城在縣北三十五里皆南北朝及南宋初戍守之所

茆城在舒城縣東南十五里名勝志相傳曹操屯兵所築築時以茆掩之詐敵兵故名

襄安故城在無爲州南四十里漢置縣劉宋時省隋改蘄縣爲襄安在今巢縣北元豐九域志無爲有襄安鎮卽漢故縣也名



勝志無爲州襄安廢縣今爲襄安鄉

臨湖故城在無爲州西南漢縣也後漢廢樂成靖王子萇改封爲臨湖侯國於此宋廢名勝志漢臨湖縣在州東南六十里濤須潛水之交州志臨湖廢縣在州南八十里臨壁山下今爲臨湖圩

居巢故城在巢縣東北五里水經注居巢縣古巢國也湯伐桀桀奔南巢卽巢澤也周爲巢伯國周武王時巢伯來朝芮伯作旅巢命春秋文公十二年楚人圍巢昭公二十四年吳滅巢史記楚平王十年太子建母在居巢秦爲居巢縣亦曰居鄆項羽紀范增居鄆人後漢永平元年明帝更封菑邱侯劉般爲居巢侯國建安二十二年曹操軍居巢吳周瑜爲居巢長後以吳魏戰爭地遂廢晉平吳後復立居巢縣東晉後廢寔字記古居巢

重刊... 卷四十一  
城陷爲巢湖又舊志有桀王城在巢縣卧牛山北今爲紫微觀  
新附城在無爲州南十五里名勝志吳諸葛恪築以居新附之  
人因名今爲新附橋其地有諸葛廟卽祀恪者

橐皋故城在巢縣西北春秋時吳邑哀公十二年公會吳于橐  
皋漢置橐皋縣屬九江郡孟康注曰橐皋音拓姑後漢省三國

吳志朱桓傳黃武元年曹仁遣其子泰攻濡須城自將萬人圍

橐皋括地志在巢縣西北五十六里地理今釋作東北六十里

十一年烏珠陷廬州屯柘皋爲劉鈞所敗舊說橐拓音近而說  
後人因括類拓又說今按釋文注橐音章夜反是橐本有拓音

也今名柘皋鎮其東  
又有會吳城故址

蕲縣故城今巢縣治漢蕲縣在今宿州界晉太元中僑置南譙  
郡治山桑縣又置蕲縣屬焉隋改蕲爲襄安縣又改襄安爲巢  
縣水經注柘導巢湖又東逕南譙僑郡城南舊志有譙郡城在

縣東南二十里今爲南譙鄉

九江廢郡在無爲州襄安鎮秦漢以前江偃城下爲舟車要衝  
潁州廢郡在巢縣東南劉宋僑置屬南豫州南齊初屬豫州後  
省水經注寶湖水東出爲後塘塘上有潁川僑郡故城

無爲廢縣在今無爲州宋縣也竇宇記無爲軍本廬州巢縣之  
無爲鎮曹操征孫權築城於此攻吳無功因號爲無爲城臨濡  
須水上壩尋爲無爲監爲江淮要津宋熙寧三年析巢廬江二  
縣地置無爲縣明初省縣入州州志舊無爲縣本唐巢縣之城  
口鎮故址今在州西三里花家疇

扶陽廢縣在無爲州西北接巢縣界晉太元中僑置屬南譙郡  
宋齊因之後省唐武德三年復置屬巢州七年廢

開城廢縣在無爲州西唐武德三年置屬巢州七年廢州志今

國朝身符通志卷四十九  
爲開城鎮在州西四十里

東關在巢縣東南濡須水所經也三國吳志諸葛恪傳恪以建興元年會眾於東興更作大隄左右結山峽築兩城魏書任城王澄傳梁頻斷東關欲令巢湖泛溢湖周圍四百餘里東關合江之際廣不過數十步詔委澄經略澄以東關水衝大峴險要東關縱水陽石合肥有急懸之勢於是遣傅豎眼等進次大峴東關力山淮陵皆分部諸將倍道據之陳書任忠傳太建五年忠擊走齊歷陽王高景安於大峴逐北至於東關仍克其東西二城水經注湖水又東逕右塘穴北爲中塘塘在四水中水出格虎山北山上有虎山城有郭僧坎城水北有趙祖悅城並故東關城也昔諸葛恪帥師作東興隄以遏巢湖傍山築城塘卽東興隄城亦關城也唐書地理志巢縣東南四十里有故東關

通鑑地理通釋東關東南有石渠鑿山通水是名關口相傳夏  
禹所築一號東興今其地高峻險狹實守扼之所方輿勝覽濡  
須山謂之東關七寶山謂之西關胡三省通鑑注東關卽濡須  
口亦謂之柵江口在兩山閒濡須山在和州界爲東關七寶山  
在無爲軍界爲西關兩山相對中爲石梁吳築隄在東關南岸  
魏置柵在西關北岸縣志有三關屯卽東關也關當三面之險  
巢駕釐虺左傳成公十七年楚人圍巢伐駕圖釐虺杜注巢駕  
釐虺楚四邑春秋大事表駕釐在無爲州境虺在廬江縣境

地理  
考實俱在  
廬州府境

庸浦春秋襄公十三年吳伐楚戰于庸浦杜注庸浦楚地春秋  
大事表庸浦今無爲州南涇江之浦

鵲岸在舒城縣西左傳昭公五年楚伐吳吳人敗諸鵲岸杜注

卽廬江舒縣之鵲尾渚亦曰鵲亭

按鵲尾渚屢見南北史要屬臨江之地當在無爲境內

地紀勝謂在舒城縣恐未確

鎮淮樓在府石城北門宋郭振拓城基改爲譙樓明嘉靖閒郡守龍誥重建有銅壺以核晝夜時刻又府治後有葵廳亦振建五鳳樓在府東城上輿地紀勝唐天祐中張崇築城創樓落成之日有五色鳥集其上因以紀瑞縣志卽今威武門城樓

九華樓在無爲州移風門上一名南樓宋米芾建江之南九華諸峯屹然相向因以爲名

稻孫樓在無爲州大安門上宋米芾秋日登樓燕集見田禾已穫復青問諸老農曰稻孫也芾喜而名其樓

明遠樓在無爲州楚澤門上與羣山相接下臨諸湖米芾題額講書樓在無爲州城隍廟前宋謝枋得寓於州州人建此樓居

之

聖文祕奉閣在府城宋劉筠知廬州構閣藏真宗飛白書及所賜書顏曰聖文祕奉之閣

五雲閣在無爲州城內宋五雲叟陳朋所建

聚山閣在無爲州治宋米芾建

威遠亭在府西城上明熊文舉禦寇駐此又作稅子亭於東郊外

景賢亭在府治名勝志明宏治中於馬亮故宅得晏殊包拯諸公詩刻石贅壁間因建此亭

衣錦亭在府治東輿地紀勝宋天禧五年馬亮歸守鄉郡因創此亭

挹秀亭在無爲州學宮後宋滿維端有詩又四望亭在州治亦

真修少補通志卷四十九  
滿維端所築有詩

仙隱亭在廬江縣水簾洞上名勝志昔左慈棄竹杖於此今竹生皆下曲宋隆興初建亭以表其迹

古陵亭在廬江縣境一作虔亭寰宇記搜神記云龍舒陵亭有樹高數十丈時久旱長老因以酒脯往祭有寡婦李憲於光中見衣繡女曰我樹神也朝來祈雨吾已求之帝日中當雨至時果驗遂爲立祠歲餘神辭去畱一玉瓊與寡婦曰持此可以避禍後袁術劉表相攻龍舒民皆流散此里獨全隋書麥鐵杖傳楊素遣鐵杖夜浮渡江覘消息爲賊所擒行至虔亭鐵杖取賊刀亂斬衛者以歸

飛霞亭在舒城縣署輿地紀勝在縣東城上宋李公寅讀書處下有清心池其兄伯時爲畫舊宅圖蘇軾有詩



教弩臺在府城東門內九獅橋北方輿勝覽曹操所築教弩臺以禦吳之舟師今爲明教寺

明遠堂在府東北七十里梁縣鄉迴環皆水中有一洲方輿勝覽宋鮑照嘗讀書於此縣志宋張持正卽其地建俊逸亭

義門臺在府西十八里唐萬敬儒三世同居親亡廬墓宣宗大中閒特表其門後人因以名臺

節婦臺在府城內惠政橋東南宋包拯舊第節婦拯豕嗣縉妻崔氏縣志今名尙節樓在鎮淮樓西南

釣魚臺在無爲州東北舊傳浮邱伯釣魚之所又一在廬江縣東南八里石磯枕河相傳左慈釣魚處

漕臺在無爲州城內舊軍學西宋時設漕運司以轉江襄漕事避暑臺在廬江縣東北隅舊傳曹操攻吳避暑休兵於此今爲

城隍廟

孔臺在巢縣西棗皋鎮狀如圓壇可容千人名勝志世傳孔子南游至棗皋與弟子憩臺而返

懸魚堂在府治內名勝志漢羊續爲廬江太守有饋生魚者意難卻之乃曝爲乾魚懸於壁上他日復饋續乃出所懸魚示之其人慙懼而退後人爲建懸魚堂

三至堂在府治西宋陳堯佐三守是邦故以名堂葉祖洽有記西巖書堂在府東巢湖西岸宋安淮有記

萬卷堂在無爲州天慶觀西宋祥符中李景仙藏書於此多祕閣所無者以其半進於朝

仰高堂在無爲州治東方輿勝覽宋米芾建自撰記

三桂堂在無爲州宋王之道與兄之義之深同科故名其堂曰

三桂

馬亮故宅在府城和平橋東明改爲下察院

包拯故宅在府鳳皇橋巷

余闕故宅卽今合肥縣治明洪武中建恩柱坊尙存

歸來宅在舒城縣治東宋李公麟歸隱處

亞父故居在巢縣東北二十里亞父山皇覽云吏民祭亞父於居巢庭上長吏初視事必祭而後從政庭中又有亞父井

迴瀾軒在府南門外香花墩有包孝肅拯祠軒蓋爲公設也

寶晉齋在無爲州治東北宋州守米芾建以晉人法書碑刻嵌壁間因名今爲米公祠

青陽山房在府城東六十里巢湖北元余闕讀書處

環翠山房在府城南湖右永樂港之原元葛闕孫隱居講學之

所縣志今鳳皇墩卽其舊址

同食館在府南城上輿地紀勝唐元和中刺史路應求建引左

傳楚人出師自廬以往賑廩同食因以爲名後又改名建德館

陳鴻韓愈皆有記

按路應爲路嗣恭之子韓愈曾爲之作神道碑新書附其傳於其父嗣恭後但名廬州

府志誤作應求韓亦未有同食館記也

崇明館在廬江舊縣治南數十步宋謝惟士知縣事省以拓縣

治見碑記後爲儒學

璇源館在舒城縣東七里宋元符中李公麟建自爲記

國朝咸豐三年侍郎呂賢基徐啟山殉節於此

吳王宮在廬江縣城內紫芝坊名勝志相傳五代楊行密故宅

今爲金剛寺

蒙古學在無爲州今儒學西北大街

歐冶子鑄劍處在廬江縣東北二十里冶父山今爲寺

毛義隱處在廬江縣東北七十里毛公山有讀書洞

梅子真隱處在舒城縣西七十里梅山漢梅福棄官隱此地

八公飛昇處在巢縣西橐皋鄉八公山列仙傳云八公白日上昇遺藥在器雞犬皆得仙

花園在府城南二十里元至正間宣讓王遊賞之所其址尙存縣志王名特穆爾布哈元天曆初改封宣讓王移鎮廬州

文翁里在舒城縣南九十里輿地紀勝漢文翁嘗讀書於此濡須鴨在無爲州東北五十里接巢湖通志和州歷陽縣西北一百八十里有濡須水漢建安十七年孫權築鴨於此以拒曹操寰宇記濡須鴨在巢縣東南二百八十里

偃月鳴在巢縣東南三國吳志呂蒙傳蒙從孫權拒曹操於濡

須勸權夾水口立鳴寰宇記偃月鳴在巢縣東南二百八十里

濡須水口形如偃月故名

按偃月鳴即濡須鳴

箏笛浦在府城后土廟側寰宇記合肥縣有箏笛浦續搜神記浦中昔有大舶覆水內漁人宿於旁夜聞箏笛之聲相傳曹操載妓覆船於此

藏舟浦在府城內古金斗門外寰宇記合肥縣藏舟浦即魏將張遼襲吳藏戰艦慮縣志在今城內淺壩

春秋山莊在舒城縣南春秋山宋李公麟讀書處公麟有春秋山莊四時樂詞又有洗硯池亦公麟遺蹟

姚萇村在巢縣東北新安鄉青龍山陽山橫山之閒四山環合中爲原田相傳東晉時姚萇駐師屯田於此

回車街在巢縣西北五十里小佛嶺兩山夾峙中通一綫自嶺

徑輿鼻過鍾離徐沛達壽墳舊爲南北大道俗傳孔子於此回車

鑊里在巢縣西北濱焦湖吳太平二年孫琳拒諸葛誕於壽春大發兵出屯鑊里帝亮責琳留湖中不上屯一步者是也

飛騎橋在合肥城東門內舊名西津橋一名逍遙橋三國吳志孫權爲魏張遼所襲乘馬越渡處水經注合肥城東有逍遙津水上舊有梁卽此

嗟虞墩在府東北八十里世傳項羽於此別虞姬

香花墩在府城南濠水中蒲葦數里魚鳧上下長橋徑度竹樹陰翳舊爲包拯讀書處

麾旗墩在舒城縣南十五里世傳漢壽亭侯駐兵於此

舒王墩在舒城縣北四十里舊傳漢夔頡侯築此侯封於舒故

重刊... 卷四十一  
謂舒王墩

金雞墩在舒城縣西一里有金雞潭明蔡民悅建書院於此  
劉郎寨在廬江縣牛欄山自麓至走馬嶺上凡十數里寨址寬  
平可容萬眾險要可守

金華寨在廬江縣黃屯山上勢最險要

安樂柵在無爲州東北梁太清末合州刺史鄱陽王範屯於濡  
須遣世子嗣將兵守安樂柵明年嗣破侯景將任約於三章遂  
徙鎮焉亦謂之安樂寨通鑑胡三省注三章在濡須之東

煉丹池在府城東四頂山上漢人魏伯陽煉丹之所故址尙存  
墨池在無爲州治宋米芾知無爲軍時郡廳後構小亭爲遊憩  
之所亭前置石池夜坐苦蛙聒耳取硯投諸池蛙鳴遂絕翼日  
池水盡墨色因書墨池二字今石刻尙存



偃月池在無爲州治南每中秋夜月偃半輪故名

洗耳池在巢縣教場西相傳許由洗耳處

狀元井在府學內宋郡人馬亮擢進士第一故名

左慈井在廬江縣治南相傳魏左慈嘗置丹一粒於井宋政和閒每清夜氣肅輒紅光燭天

瑤璃井在巢縣城北中有四柱色如瑤璃

笑泉在巢縣南七十里聞人笑聲則泉涌沸故名

浮邱釣石在巢縣濡須口水濱一大石宋人鑄浮邱釣石四字於上

隋碑在巢縣紫微觀開皇十四年造今可見者只十數字

重修安徽通志卷五十

輿地志

古蹟七

鳳陽府

西古城在府東十八里舊時軍壘也在故州城之西故名

魯城在府西魯山之東今有東西魯城村皆以此爲名一說晉太康五年鍾離移治於此改名魯城縣

紫金城在府城外萬壽山前明初置

鍾離故城在廢臨淮縣東本春秋時子國左傳成公十五年叔孫僑如及諸侯之大夫會於鍾離昭公四年楚箴尹宜咎城鍾離以備吳漢置鍾離縣屬九江郡漢志注應劭曰古鍾離子國是也晉書地理志淮南郡鍾離故州來邑劉宋泰始三年淮北

陷沒移徐州於此蕭齊建武二年魏拓拔珽攻鍾離梁太清三年北徐州刺史蕭正表以鍾離降魏改置楚州陳大建五年魯廣達克北徐州卽以廣達爲北徐州刺史仍梁舊名也隋唐爲濠州治括地志鍾離故城在今縣東北五里通鑑地理通釋鍾離有東西二城濠水流於其中水經注淮水又東北濠水注之又東過鍾離縣北寔宇記洛水自定遠縣流入鍾離縣與壽春縣分中流爲界縣志舊州城在今縣西三里一名三牛城以郡治有三石牛也郡介濠淮多水災牛土畜故以鎮之明初以鳳陽爲新城臨淮爲舊城

國朝乾隆十九年省臨淮併入鳳陽縣遂廢

漢下相故城在廢臨淮縣西北

公路城在廢臨淮縣舊城東相傳袁術據淮南時所築

樂平廢城在廢臨淮縣東南本漢縣屬東郡劉宋時僞置於此  
宋書州郡志鍾離太守樂平令蕭齊永明元年割屬濟陰郡後  
魏屬濟陽郡齊周時廢縣志縣東南六十里有香城亦名東鄉  
城疑其遺址

趙草城在廢臨淮縣東北梁書曹景宗傳魏將楊大眼對橋北  
岸立城每牧人過岸伐芻藁皆爲大眼所略景宗乃募勇敢士  
千餘人徑渡大眼城南數里築壘壘成使別將趙草守之因名  
縣志城距邵陽洲數里據淮爲險

小東城在廢臨淮縣東通典鍾離縣東一里有小東城寰宇記  
城在東北三里宋泰始二年築以鎮濠口陳太建五年廢地理  
通釋云秦始皇築當是泰始之訛

當塗故城在懷遠縣西南

方輿紀要春秋地理考實並東南入里

漢武帝征和二

年封魏不害爲當塗侯國屬九江郡漢志注應劭曰禹所娶塗山侯國也有禹墟三國時縣廢晉太康元年復置成帝時淮南民多南渡江乃僑立當塗縣於江南而故縣廢爲馬頭城升平三年豫州刺史謝萬遣劉建修治馬頭城水經注淮水自莫邪山東北逕馬頭城北魏馬頭郡治卽當塗故城也隋書志鍾離郡塗山後齊改曰馬頭置郡曰荆山開皇初郡廢改縣曰塗山唐書地理志鍾離武德七年省塗山縣入焉縣志馬頭故城在淮水濱舊以爲卽馬頭集非

平阿故城在懷遠縣西南戰國時齊邑漢成帝河平二年封王譚爲平阿侯國屬沛郡後漢建武十二年更封耿阜爲平阿侯後爲縣屬九江郡晉屬淮南郡東晉後廢水經注淮水北合沙水淮西岸有平阿故城縣志有平阿集在縣西南六十里平阿

山下俗譌爲平我。又考魏志譙州高塘郡有平阿縣。在今天長縣及高郵州界。蓋南北朝僞置非故城也。

龍亢故城在懷遠縣西。漢置龍亢縣。屬沛郡。元鼎五年封穆廣德爲侯。邑後漢屬沛國。晉改屬譙郡。東晉後廢。梁普通六年趙景悅拔魏龍亢城。因置龍亢郡。魏書地形志譙州有龍亢郡。梁武置仍領龍亢縣。武定六年置是也。隋開皇初郡縣俱廢。唐武德四年析夏邱縣地復置貞觀八年省。水經注沙水自山桑東南過龍亢縣南。縣志龍亢城在縣西北七十五里。今爲龍亢集。義成故城在懷遠縣東北。漢竟甯元年封甘延壽爲義成侯。國屬沛郡。後漢改屬九江郡。晉屬淮南郡。東晉後省。魏書地形志復有義成縣。屬仁州。臨淮郡齊併入穀陽縣。水經注沙水又東北過義成縣西南。入於淮。義成世謂之楮城。其城當渦水入淮。

處亦名渦口元和郡縣志貞元後濠州西渦口對岸置兩城縣志有拖城在縣東北十五里卽古渦口城亦卽義城縣矣明統志在縣西北四十里誤

荆山故城在懷遠縣北後魏延昌四年以梁堰淮水命楊大眼鎮荆山築城置戍梁普通五年北兗州刺史趙景悅圍魏荆山拔之隋書地理志塗山舊曰當塗後齊改曰馬頭置荆山郡開皇初廢元豐九域志蘄縣有荆山鎮寶祐五年賈似道奏以渦口上環荆山下連淮岸險要可據於此置懷遠軍兼置荆山縣元改軍爲縣省荆山縣入焉舊志荆山城在縣北三里亦謂之舊城

向城在懷遠縣西北四十里渦水之陽春秋隱公二年莒人入向杜注譙國龍亢縣東南有向城漢置向縣水經注北淝水又

東南至向縣故城南又縣北二十五里有圍城舊說謂之向城  
非

考城在懷遠縣南五十里本漢陳留郡屬縣江左僑置於此沈  
約宋志盱眙郡有考城縣蕭齊因之魏廢縣志今爲考城鋪  
邊軍城在懷遠縣西八里宋末江淮安撫使夏貴所築

新城在懷遠縣南五十里梁置馬頭郡大通元年刺史劉公茂  
築新城北齊改爲馬頭縣隋初廢

曲陽故城在懷遠縣洛河之南漢河平二年封王根爲曲陽侯  
國屬九江郡地理志注應劭曰在淮曲之陽故名後漢曰西曲  
陽以下邳有曲陽故加西也晉後省魏書地形志彭沛二郡治  
南陽縣有曲陽城隋志定遠縣有舊九江郡後齊廢爲曲陽縣  
後周又廢曲陽入定遠縣水經注洛水又北逕西曲陽故城東



淮水右納洛川於西曲陽縣北寔宇記廢西曲陽縣在壽春縣東北八十三里南臨洛水又曰在定遠縣西北九十五里又曰梁克壽春後立北譙郡於故曲陽縣北譙蒙二縣屬焉

東城故城在定遠縣東南秦置縣二世二年陳勝將葛嬰至東城立襄疆爲楚王漢高帝五年項羽兵敗自陰陵引而東至東城有二十八騎文帝八年封淮南厲王子良爲侯邑地理志屬九江郡後漢屬下邳郡建康末陰陵人徐鳳反攻燒東城晉屬淮南國東晉後縣廢水經注池水出東城縣東北流逕東城縣故城南括地志東城故城在今縣東南五十里寔宇記梁天監三年土人蔡豐據東城自魏歸梁武帝嘉之改曰豐城立爲定遠郡又改爲廣安郡定遠縣隋開皇三年廢郡留縣大業十一年縣廢唐武德二年於廢廣安郡置定遠縣天寶四年移於今

治

陰陵故城在定遠縣西北故秦縣漢書項籍傳籍渡淮至陰陵  
迷失道地理志九江郡陰陵後漢爲九江郡治晉屬淮南郡東  
晉後縣廢水經注莫邪山南有陰陵縣故城濠水出陰陵縣之  
陽北亭括地志在濠州定遠縣西北六十五里縣志城周二里  
故址猶存

芟蒲城在定遠縣西南亦名定遠廢城寔字記在縣西南八十  
五里相傳梁魏交爭之日魏築爲壘在芟蒲塘下因塘得名梁  
普通七年胡龍牙掠芟蒲城卽此

閭城在定遠縣西北寔字記在縣西北一百十五里相傳魏太  
武南侵時所築梁普通三年於此置西沛郡大寶二年廢

柴王城在定遠縣東北七十里大橫山上或謂周顯德時南征

屯兵處

壽春故城卽今壽州治本楚邑秦置縣史記楚考烈王自陳徙都壽春名曰郢秦於此置縣漢五年劉賈南渡淮圍壽春十一年立子長爲淮南王都壽春元狩初爲九江郡治後漢屬九江郡晉屬淮南郡孝武時避諱改曰壽陽義熙十三年豫州刺史劉義慶鎮壽陽元熙元年劉裕自鎮壽陽宋爲豫州治所蕭齊永元二年豫州刺史裴叔業以壽陽降魏魏改置揚州仍改縣曰壽春梁普通七年淮堰水盛壽陽城幾沒乃遣夏侯亶等攻之壽陽降復以爲南豫州太清三年侯景將王顯貴以壽陽降東魏復曰揚州陳太建五年吳明徹伐齊克壽陽復曰豫州隋開皇八年將伐陳置淮南行省於壽陽平陳始改曰壽州五代周顯德二年伐南唐克壽州移州治下蔡壽春縣屬焉寰宇記

壽春縣在州南二十五里有壽春故縣在縣西一里又有諸葛誕城在縣東一里又有廢西壽春縣在縣西四十里輿地記壽陽城中有二城一曰相國城宋武帝伐長安時築水經注芍陂濱北流入壽春城中又北逕相國城東一曰金城壽陽中城也陳書吳明徹攻齊齊兵退據相國城及金城舊志宋紹興二年金人陷壽春六年楊沂中等敗劉猷於藕塘追至南壽春進攻壽春不克還城南壽春卽此

安豐故城在壽州南漢安豐縣在今河南固始縣界東晉始僞置於此隋志梁置陳畱安豐二郡開皇初郡並廢以縣屬淮南郡唐屬壽州水經注淠水西北逕安豐縣故城西寔宇記縣在壽州南八十里又廢安城府在縣南四里隋開皇十六年於白雀驛置舊志宋紹興十二年升爲安豐軍三十二年改軍爲壽

春府乾道三年移安豐軍於壽春縣以安豐縣屬焉元屬安豐  
路明初省入今為安豐鄉故城在州西南六十里西去霍邱縣  
九十里

梁城在壽州東北梁書呂僧珍傳天監五年命僧珍率羽林勁  
勇出梁城水經注淮水東逕八公山北又東逕梁城通鑑注晉  
僑立梁郡於壽春界故有梁城其城在壽陽東北鍾離西南州  
志東去洛川口二十五里

魏昌城在壽州北魏書李崇傳延昌初梁作淮堰揚州水漲刺  
史李崇乃於八公山之東南更起一城以備大水州人號曰魏  
昌城寔字記有石城在縣北四里李崇以功封魏昌伯故州人  
以名城

破石城在壽州西北二十五里破石山兩岸相對淮水經其中

圖經荆塗二山相爲一脈禹鑿爲二以通淮流水經注淮水北  
逕山破中謂之破石對岸山上結二城以防津要三國魏志甘  
露元年諸葛誕據壽春司馬昭遣王景軍破石以偪之地理通  
釋梁大同中於破石山築城拒東魏卽今隸州下蔡城也以淮  
水中流分界西岸者爲破石屬下蔡東岸者爲壽陽

劉關二城在壽州正陽鎮與潁州接界相傳先主與關壯繆分

城屯軍處

按元史至正九年董文炳亦  
築兩城於正陽以遏宋兵

青岡城在壽州西二十五里西淝河側晉謝元等禦秦師時築  
義昌城在壽州西南永初郡國志云安豐有義昌縣晉末嘗立  
郡

狄城在壽州南亦名狄邱城梁普通五年裴邃自合肥拔魏狄  
城本傳作狄邱城魏書李神傳爲陳雷太守領狄邱戍主水經

注肥水經狄邱東又會施水枝津又北至成德是也

黃城在壽州西梁置黃城戍尋置潁川郡於此憲宇記晉義熙十二年置小黃縣在安豐西北三十里或卽黃城也又西有郭默城相傳晉咸和中郭默常屯此陳太建五年吳明徹攻壽陽別將克黃城郭默城降是二城相近也

蒼陵城在壽州西陳書宣帝紀太建五年齊遣兵援蒼陵魏書地形志壽春縣有蒼陵城水經注淮水自潁口左又東南經蒼陵北是也

安城故城在壽州南魏書地形志梁置新興郡治安城縣卽此馬頭戍城在壽州西北二十里淮濱戍守處也魏書地形志梁郡蒙縣有馬頭城梁天監五年取魏合肥魏人守壽陽於馬頭置戍普通五年梁取壽陽亦置於此或以爲卽馬頭郡誤又馬

頭城東南有白捺城又南有歐陽城皆梁魏邊戍之地

魚林城在壽州南安豐塘側鴛鴦門又關雞城在州西南三十里又西城在州北元將董文炳築

下蔡故城今鳳臺縣治也本春秋時州來邑左傳成公七年吳伐楚入州來哀公二年蔡昭侯自新蔡遷於州來謂之下蔡漢書地理志沛郡下蔡故州來國爲楚所滅後吳取之是也後漢屬九江郡晉屬淮南郡劉宋時廢南齊建元三年垣崇祖在壽陽恐魏人復寇淮北乃徙下蔡戍於淮東梁大通中魏亂梁得下蔡改置汴州及汴郡北齊郡廢隋仍爲下蔡縣屬汝陰郡唐武德四年於縣置渦州八年州廢仍屬潁州五代周顯德四年徙壽州治下蔡自後常爲州治至元末廢入州水經注淮水自碣石北逕下蔡故城東淮之東岸又有一城卽下蔡新城二城



對據翼帶淮濱寔字記梁大同中於破石築城以拒東魏卽今  
縣城也故城淮水東岸者是也又棟城在下蔡西北花苑城在  
下蔡城東南五里

符離故城今宿州治本楚邑戰國策楚南有符離之塞秦置縣  
屬泗水郡史記秦二世元年陳勝令符離人葛嬰將兵徇蕲以  
東漢元狩元年封路博德爲侯國屬沛郡王莽改曰符合後漢  
屬沛國三國魏屬汝陰郡晉仍屬沛國後廢寔字記北齊天保  
七年移斛城縣於古符離城復爲符離縣隋大業二年移於朝  
斛城唐貞觀元年移於竹邑城舊志元和四年於埔橋置宿州  
其後復移治符離城卽今州治也元至元三年併入州縣遂廢  
魏書地形志斛城縣有扶離城當卽符離之訛州志今爲符離  
集在州東北二十里

蕲縣故城在宿州南本楚邑秦置縣史記楚王負芻四年秦王  
翦追破楚師至蕲南殺將軍項燕二世二年陳勝起兵於蕲漢  
高帝十二年帝自將討黥布與布軍遇於蕲西尋以縣屬沛郡  
爲都尉治後漢屬沛國三國魏屬汝陰郡晉屬譙郡劉宋因之  
南齊爲北譙郡梁爲譙州魏書地形志蕲城郡蕭衍置魏因之  
領蕲城縣武定六年置隋書地理志彭城郡蕲舊唐書地理志  
蕲縣舊治穀陽顯慶元年移今治元和四年改屬宿州又有庸  
城在蕲西寔字記縣北至州三十六里舊志元至元二年併入  
宿州今爲蕲縣鄉有蕲縣集考蕲縣自南北朝至唐改遷無定  
寔字記所云至州三十六里者唐顯慶所移治所也

臨渙故城在宿州西南春秋時宋銍邑秦置銍縣二世初陳勝  
自蕲攻銍都皆下之漢屬沛郡魏屬譙郡晉因之劉宋時縣廢

元和郡縣志臨渙縣西至亳州一百六十里本漢涇縣梁普通中克魏涇城因置臨渙郡以臨渙水爲名東魏改置渙北縣齊郡廢改渙北曰臨渙屬譙郡隋開皇三年於縣置譙州大業初仍屬譙郡唐武德四年又於縣置北譙州貞觀十七年州廢屬亳州元和九年改屬宿州寰宇記臨渙縣在州西南九十里又有古臨渙城在縣西北二十五里隋大業十年移縣於此唐貞觀十年遭水移入涇城內宋大中祥符七年復以臨渙縣屬亳州天禧五年還屬宿州元至元二年併入宿州舊志臨渙城在州西南九十里今爲渙陽鄉又有臨渙集又有涇城在州西南四十六里

相鄉故城在宿州西北本宋邑戰國策黃歇說秦昭王曰魏氏將出而攻涇陽蕭相故宋必盡是也秦置相縣爲泗水郡治史

記二世二年章邯別將司馬卮將兵北定楚地屠相至碭漢高  
帝四年改爲沛郡仍治相王莽改爲吾符亭後漢建武二十年  
徙中山王爲沛王仍治相縣魏屬汝陰郡晉屬沛國劉宋南齊  
屬北沛郡隋時縣廢併入蕭符離水經注睢水東逕相鄉故城  
城卽宋共公之所都也國府園中猶有伯姬黃堂基卽伯姬焚  
死處括地志相城在符離縣北九十里元和郡縣志蓋相土舊  
都之所州志今爲相城鄉或譌爲襄城

竹邑故城在宿州北漢置縣屬沛郡高帝十二年賈參破英布  
自蘄遷竹邑卽此後漢永初六年封彭城王恭子阿奴爲侯邑  
屬沛國晉曰竺邑後省水經注睢水東逕竹縣故城南甯宇記  
朝斛城西南七十里有竹邑故城縣志有符離城今爲符離集  
亦曰舊宿州城在州北二十五里卽故竹邑也又按魏書靈徵

志孝文帝延興元年於徐州竹邑戍得著南齊紀建元二年徐州刺史崔文仲拔魏竹邑戍是縣爲戍也梁紀大通元年成景備克魏竹邑魏志睢州南濟陰郡治竹邑城不云置縣隋志符離有竹邑縣梁置睢州開皇二年州廢又廢竹邑縣入焉亦不詳何年復置唐貞觀初移符離縣治此其後還治故城而此城廢

陽城在宿州南秦置縣陳勝生此魏時縣廢綱目質實陽城故址在鳳陽府宿州南

靈壁故城在宿州西北史記漢二年項羽自蕭晨擊漢軍追至靈壁睢水上注孟康曰靈壁故小縣在彭城南括地志故城在符離縣西北九十里漢時縣廢宋元祐時復置於宿州之東者今之靈壁也

仁州故城在靈璧縣東南魏書地形志仁州梁武置魏因之治赤坎城陳書太建五年吳明徹師次仁州隋書地理志彭城斬縣有齊置仁州大業初廢入元和郡縣志赤坎故城在虹縣西南五十九里梁天監八年置赤坎戍於此

浚縣故城在靈璧縣南五十里漢侯國後漢爲縣屬沛郡漢書應劭注浚縣浚水所出東晉後廢水經注浚水東南逕浚縣故城北魏書地形志穀陽郡連城縣有濠城寰宇記濠城在虹縣西南七十五里卽漢浚縣地縣志今爲濠城集在縣南五十里穀陽故城在靈璧縣西南漢置縣屬沛郡地理志注應劭曰在穀水之陽魏書地形志穀陽郡治穀陽城太和中置鎮世宗改置陽平郡孝昌中入梁武定六年復取之置穀陽郡領縣二連城高昌水經注苞水又東逕穀陽縣又東逕穀陽戍南又東南

逕穀陽故城東北舊志唐顯慶五年省入蘄縣故城在縣西南七十五里又有連城鋪在縣南百里因故縣爲名

臨潼故城在靈璧縣東北魏書地形志睢州臨潼郡隋書地理志下邳郡夏邱東魏置臨潼郡後齊改爲潼郡開皇初廢金志宣宗元光初議於靈璧縣潼城鎮設倉都監卽故縣也水經注潼水又東南逕臨潼戍西縣志今爲潼郡鄉在縣東北七十里固賢城在靈璧縣北七十里又有古城在縣西北百里近河岸霸王城在靈璧者有三一在縣西南七十里一在縣西北七十五里一在縣北七十二里皆項羽屯兵之壘

廢汴郡在懷遠縣西南魏志譙州有汴郡梁武置治蕭縣有平阿山其地當在今縣西南與壽州之廢下蔡縣相近縣志今茨河南劉家集東有長埂數里疑卽是

臨潒郡在定遠縣梁置

陳畱廢郡在壽州南晉書地理志咸康四年於北譙立陳畱郡  
宋書州郡志南豫州刺史陳畱太守晉立領浚儀小黃雍邱白  
馬襄邑封邱尉氏七縣齊書州郡志豫州陳畱郡領浚儀小黃  
雍邱三縣魏書地形志揚州陳畱郡領浚儀雍邱二縣隋書地  
理志安豐有梁置陳畱郡開皇初廢寰宇記陳畱廢郡在安豐  
縣東北五里浚儀廢縣在縣東北二百五十步芍陂塘下雍邱  
廢縣在縣南六十里小黃廢縣在縣西北三十里此一郡三縣  
皆晉義熙十二年劉義慶奏置隋開皇三年廢郡及浚儀雍邱  
二縣其小黃縣唐廢

按李氏先洛云宋南豫州陳畱郡齊豫州陳畱郡均治今亳州

陽平廢郡在靈璧縣南晉書地理志元帝於徐州僑置陽平郡

宋書州郡志郡領館陶濮陽二縣舊志秦始中入魏蕭齊建元



二年徐州刺史崔文仲過淮攻拔荏眉戍殺平陽太守郭杜羗後魏世宗於穀陽置陽平郡蓋因故郡相近爲名

朝歌廢縣在廢臨淮縣東劉宋僑置宋書州郡志鍾離太守朝歌令南齊後魏因之齊周時廢魏收志云縣有九山城黃溪水今黃溪在縣界東

灌邱舊縣魏志鍾離郡領灌邱縣又有邵陽城在廢臨淮縣東北邵陽州上南史齊武帝二年魏主攻鍾離不拔築城於邵陽州上柵斷水路夾築二城

已吾廢縣在懷遠縣北宋書州郡志馬頭郡有濟陽縣齊志馬頭郡治已吾縣永明元年罷譙郡屬二年以濟陽縣併之魏書志馬頭郡已吾縣隋志已吾義成二縣後齊併以爲臨淮縣縣志已吾廢縣在今縣孔岡卽平阿故城魏志仁州臨淮郡亦有

已吾縣

北譙廢縣在壽州東南齊書州郡志豫州梁郡北譙縣魏書地形志揚州北譙郡北譙縣隋書地理志壽春有北譙郡開皇初廢寰宇記廢北譙縣在壽春縣東六十三里故曲陽縣

肥陵廢縣在壽州東南漢書淮南厲王傳殺開章葬之肥陵邑唐書地理志安豐武德七年省肥陵縣入焉括地志肥陵故縣在安豐東六十里

成德舊縣在壽州東南漢置縣屬九江郡後漢因之晉屬淮南郡水經注肥水經成德縣故城西又北至芍陂是也

崇義廢縣在壽州東南宋書州郡志南梁太守崇義令羌人所立魏書地形志梁郡治崇義寰宇記在壽春縣東南三里宋略云太初元年遷金塘人於壽陽號爲崇義縣又廢蒙縣在縣南

二百里宋志南梁郡領蒙崇義等縣隋末廢

廣平廢縣在宿州西南魏書地形志斬城郡治廣平武定六年置又有艾平城齊周時廢晝宇記斬縣有艾平城在縣西十五里周齊以前於中置斬縣唐貞觀元年移縣治穀陽而故城遂廢

白揮廢縣在宿州西南魏書地形志臨渙郡領白揮縣治白揮城又有東魏白揮縣隋大業初省入臨渙縣舊志有百善集在宿州西七十里蓋卽白揮之說

定陶廢縣在宿州北後魏僑置屬南濟陰郡齊周時廢晝宇記在符離縣北四十里定陶山下

新豐廢縣在宿州北後魏武定六年置屬睢南郡齊周時廢舊志今爲新豐集在州北七十里

斛城廢縣在宿州東北魏書地形志睢州有睢南郡梁武置沛郡武定六年改治斛城縣梁武置淮陽縣亦武定中改隋書地理志符離縣有齊置睢南郡隋開皇初廢舊唐書志符離縣舊治朝斛城貞觀元年移治竹邑城意字記魏斛城縣齊天保七年移治古符離城復曰符離隋大業二年復移於朝斛城唐貞觀初又移於朝斛城西南七十里竹邑城而此城廢水經注淖湖水東至朝解亭卽朝斛之訛

甯邱廢縣在宿州東北六十里漢置縣屬楚國晉省水經注淖

湖水西屆甯邱縣故城東

按甯漢書三國志皆作甯二字同

諸陽舊縣在宿州西北唐武德四年分符離縣置貞觀元年省入符離舊志今州西北有諸陽山蓋故縣在此州志在定陶縣故地

丹城舊縣在宿州西南隋書地理志臨渙後魏置臨渙郡又別置丹城縣開皇元年省又丹陽集在州西南仁義鄉卽故丹城縣地

連城舊縣在靈璧縣南魏志穀陽郡領連城縣齊周時廢有連城鋪在縣南百里蓋因故縣爲名

南華樓在廢臨淮縣逍遙臺前明萬曆中重建有莊周像

望僊樓在廢臨淮縣城內市樓東相傳唐藍采和仙去人於此樓望之因名

清淮樓在廢臨淮縣舊濠州治子城上唐張頌詩觀魚惠子臺蕪沒夢蝶莊生豕木秋惟有清淮供四望年年依舊背城流

元勳閣在府治西南明初爲功臣建

含桃閣在廢臨淮縣舊濠州治東昔爲郡廡西齋宋梅詢爲守

呂夷簡爲倅以此爲宴憩之地

第一山亭在府治龍興寺內明洪武十六年建有御書第一山  
三大字碑

四望亭在舊府城南唐刺史劉嗣之建李紳過淮爲作記紳渺  
小時號短李俗呼爲短李亭宋蘇軾詩頽垣破礎沒柴荆故老  
猶言短李亭卽此

枕淮亭在舊濠州治子城上宋建一名望淮

翛然亭在廢臨淮縣舊濠州治倅廳舊名觀濶宋元祐中王雍  
爲通判因晉簡文帝翛然臨水便有濠濮閒想語乃易今名  
聖水亭在懷遠縣大禹廟前歲旱禱雨輒應元人構亭其上

古宛唐亭在定遠縣西南宋書殷炎傳遣將劉順東據宛唐水  
經注閭閻水西北經死虜亭南夾橫塘西注齊永元二年蕭懿

討裴叔業亦屯兵於此

按黃回王敬則等傳作死虎水經注作死虜皆字形之誤

對池亭在定遠縣西北七十里相傳宋趙倚所作池卽槎枒寺

白蓮池

鵲甫亭在定遠縣水經注洛湖又北合鵲甫谿水西北流經此亭下

雞備亭在安豐故城西南春秋昭公二十三年吳敗頓胡沈蔡陳許之師於雞父杜注安豐南有雞備亭是也

黎漿亭在壽州東南三國志魏甘露中吳將朱異救諸葛誕於壽春進屯黎漿南史普通五年裴邃拔魏荻城甓城進屯黎漿水經注芍陂灣北分爲二水一水東注爲黎漿水又東徑黎漿亭南又東注肥水謂之黎漿水口

古尉武亭在壽州北宋書劉康祖傳元嘉中劉康祖遣守壽陽

至尉武去壽陽數十里爲魏永昌王庫仁眞追及卽此

畫涼亭在壽州北五里下有石屋

裘亭在宿州西左傳桓公十五年公會宋公衛侯陳侯于裘伐

鄭杜注沛國相縣西南有古裘亭

芳亭在宿州北卽唐咸通中官軍敗賊處又州城內有柳溪亭

扶疏亭在宿州北城上宋蘇軾守徐時嘗遺墨竹一本於宿宿

人鐫石構亭貯焉故名扶疎明宏治初州守曾顯庸修復之

張氏園亭在靈璧西鳳山下汴隄北或曰在鹿鳴門外附宋蘇

軾張氏園亭記道京師而東水滂萬流陸走黃塵岐田蒼莽者

外修竹森然以高喬木蔚然以深其中因漫漫之餘浸以爲

取池山之怪石以爲獻阜滿羣蓮芡有江湖之思椅桐檜柏有

山林之氣奇花美草有京洛之態華堂厦屋有吳蜀之巧其深

可以感其富可以養其榮蔬可以餽鄰里魚鼈蒲筍可以饌四

方之賓客余自彭城移守兵興由宋登舟三宿而至其下肩輿

叩門見張氏之子碩碩求余文以記之惟張氏世有顯人自其

與也志 古責

二

壽陽府



伯父殿中君與其先人通判府君始家靈壁而爲此園作蕭果之亭以養親其後出仕於朝名聞一時推其餘力日增治之於今五十餘年矣其木皆十圍崖谷隱然凡園之百物無一不可人意者信其用力之多且久也古之君子不必仕不必仕必仕則忘其身必不仕則忘其君君之飲食適於饑飽而已然士罕有蹈義赴節其處者安於故而難出出者徇於利而忘返於是其有違親絕俗之讓懷祿苟安之弊今張氏之先君所以爲其子孫之計慮深且周是故築室蓋園於汴泗之間舟車冠蓋之衝凡朝夕之奉燕遊之樂不求而足使其子孫開門而出仕則跬步清朝之上閉門而歸隱則俯仰山林之下於以養生治性行義求志無適而不可故其子孫仕者皆有補吏良能之稱處者皆有節士廉退之行蓋其先君子之澤也余爲彭城三年樂其土風將去不忍而彭城之父老亦莫余厭也將買田於泗水之上而老焉南望靈壁雞犬之聲相聞幅巾杖屨歲時往來於張氏之園以與其子孫遊將有日矣

觀魚臺在府城西七里濠水經其前元和郡縣志莊子與惠子觀魚處亦名莊周臺又有莊子臺在靈壁縣潼山

逍遙臺在廢臨淮縣東門內開元寺後唐濠州防禦使梁延嗣累土爲臺卽莊子墓也上刻莊子像覆以亭

義臺在定遠縣東二十里縣志五代時有梅氏居此宗族聚居  
鳴鼓會食南唐後主築臺表之

判虎臺在定遠縣治相傳宋包拯爲令時有虎傷人拯移牒於  
神虎自赴縣繫於臺前石今臺石俱存

睿申君臺在壽州城東北隅相傳楚睿申君黃歇築

鳳皇臺在壽州南門外

闕難臺在壽州西南三十里明統志俗傳二金雞闕於此

米家臺在壽州正陽鎮西門相傳宋米芾所築

曬書臺在宿州北八十五里閔子墓側

鯨河臺在宿州符離北岸明工部侍郎白昂卽中婁性督理河  
務相籌於此

望荆臺在靈璧縣荆人宦此思親築臺望焉今斷碑存

吹簫臺在靈璧縣西北七十里

觀星堂在府城獨山頂上明洪武初建

三賢堂在廢臨淮縣城東北隅宋時建祀彭祖莊子惠子明正  
統二年沒入於淮

威信堂在廢臨淮縣舊濠州治宋濬熙時郡守王回陞辭上諭  
以守邊之道無出威信二字因以名堂

靜正堂在廢臨淮縣舊濠州治堂後又有清風堂皆宋時建  
薛長卿宅在宿州相城內中元寺長卿初以魯詩傳龔勝龔舍  
後爲御史大夫東歸沛守遠迎尊禮殊至郡人以爲榮

桓譚藏書處在宿州漢成帝以譚藏書多令待詔門下時謂挾  
桓君山之書富於猗頓之財今蕩花墅是也

水館在廢臨淮縣濠州治唐張祐有詩又高唐館在舊濠州治

西

亳社在宿州相山宋共公都相因置亳社

潛龍殿在廢臨淮縣開元寺內南唐李昇微時嘗寓寺中故名  
弈壇在廢臨淮縣西南二里會仙觀前刻石爲碁枰傍有二穴  
可置子

劉歊故里在宿州相城澤門內

桓榮故里在宿州南平鎮南

漆園在定遠縣東六十里寔字記卽莊周爲吏處唐天寶中尙

有漆樹一二十株野火燔燒今爲塋畝

按漆園非定遠地說詳流寓莊子傳後

隋隄在宿州隋書煬帝自板渚引河達於淮海謂之御河河畔

樹以柳

按今之汴隄卽隋之御道煬帝由此幸江都

在肩戍在懷遠縣西北魏置齊建元二年魏人攻鍾離徐州刺

史崔文仲遣兵渡淮攻破其柱眉戍是也

禹墟在懷遠縣東南應劭曰當塗縣有禹墟水經注禹墟在塗山西南濠水西北經禹墟北縣志塗山南有禹會村卽古禹墟宋蘇軾詩曰樵蘇已入黃熊廟烏鵲猶朝禹會村是也野客叢談塗山有四一會稽二渝州三濠州鍾離縣四宣州當塗縣皆立禹廟

垂花鳴在廢臨淮縣治東上有樛藤垂花唐刺史獨孤及愛之因命以名有詩并序

夢蝶坊在廢臨淮縣開元寺西世傳莊周嘗寓此

惠子審在廢臨淮縣治西南三里相傳惠子遊濠上居此

撒金街在廢臨淮縣內世傳藍采和曳錢仙蹟在此

睡仙崖在廢臨淮縣曲陽門外有石崖長二丈餘中有一段平

坦約六尺世傳有仙嘗臥此

乘龍洲在廢臨淮縣東北淮水中流府志周世宗征濠夜遣兵持炬乘囊駝絕淮濠兵驚以爲鬼乘龍也

石寨在府萬歲山頂築有石垣

連珠寨在壽州北五里紫金山巒有石磬大路遺趾尙存周世宗屯兵處

花靨鎮在壽州西北二十五里名勝志引繫年錄云宋紹興二年盧壽鎮撫使王亨收復安豐軍之花靨鎮後因爲榷場蓋州境戍守要地也俗傳以壽陽公主得名

相墟鎮在宿州西南曲溝鎮在州北柳子鎮在州西皆金設也又靜安鎮李氏說在宿州地

黃圍鎮在宿州北三十里金設縣志北有黃圍集至城三十里

西固鎮在靈璧縣西南七十里金設

縣志作九十里有固鎮卽古穀陽鎮也

趙步在鳳陽縣東北淮河北岸水濱泊舟之地五代梁乾化三年王景仁侵廬壽淮南將徐溫等遇於趙步舊志以趙氏居此因名胡氏曰趙步南直紫金山

曹營在靈璧縣西南一百三十里相傳曹操立營於此

垓下聚在靈璧縣東南史記高祖與諸侯共擊楚軍與項羽決勝於垓下漢書地志浚縣有垓下聚元和郡縣志垓下聚在虹縣西南五十四里舊志在靈璧縣東南陰陵山之南

樓子莊在靈璧縣西三十里

戚家灣在靈璧縣北七十里小河南相傳爲漢高祖戚夫人故里

大澤鄉在宿州西南故蘄縣西史記陳涉世家行至蘄西大澤

鄉遇雨失期乃同謀起兵漢書徐廣注在沛郡蘄縣水經注蘄縣有大澤鄉又垂鄉亦在故蘄縣西史記黥布傳布與上遇蘄西會垂

按漢書作會垂水經注作垂鄉

馬邱聚在懷遠縣南後漢志當塗縣有馬邱聚縣志卽宋之馬頭郡也一名馬邱城一名藍柵城

飲馬池在壽州東南百里相傳漢英布飲馬於此

畱犢池在壽州城西南隅水經注漢時苗來令壽春駕一犝牛後生犢一及去任曰此淮南所產也畱之州人遂以名池

淬劍泉在府遺碑村相傳莫邪劍成以此水淬之

楚泉在定遠縣西六十里漢泉在定遠縣西五十里源出楚泉二泉並行自南而西合流入洛達於淮

咄泉在鳳臺縣城北五里寔字記其泉波平無浪若人至其旁



大聲則大涌小聲則小涌咄咄則涌彌甚州志一名珍珠泉  
蓋屋梁在府治南山中古梁也

行色詩石刻在壽州舊安豐縣宋侍制司馬池嘗監酒稅作行  
色詩後孫宏爲之刻石

漢碑在宿州相祠內八分體所謂三百有五碑也又有宋宣和  
封崇惠侯敕碑亦在祠內

漢戚伯著碑秀水朱彝尊跋云宋嘉祐中宿州浚汴獲之泥沙  
中

解帶石在廢臨淮縣清流門外俗傳項羽解帶飲石上卽此

宣和石在靈璧縣西汴隄上王鳳竹記謂是朱勔花石綱偶遺

於此按宋史陳邁傳邁徙淮南轉運使維時汴隄之運渠壅塞  
邁使決呂城陳公兩塘達於渠漕運甫通而朱勔花石綱

奉路官舟不得行邁捕繫其上章自劾此石當是彼  
時所棄非偶遺也事在徽宗宣和元年故名曰宣和石